

# Vuk'uzenzele

Produced by: Government Communication & Information System (GCIS)

English/Sesotho

Loetse 2021 Kgatiso 2



**SA salutes whistle-blowers**

Page 3



**Ipeleng Kwadi sets her sights on Africa**

Page 7

## R11 billion allocated for jobs

**THE ECONOMIC** Reconstruction and Recovery Plan is helping the country's economy and people recover from the COVID-19 pandemic and recent unrest.

**T**he Presidential Employment Stimulus Package has allocated an additional R11 billion to support employment, as part of the Economic Reconstruction and Recovery Plan (ERRP).

President Cyril Ramaphosa recently made this announcement when responding to questions during a sitting of the National Assembly.

He said initiatives such as the Basic Education Employment Initiative will continue, with the aim of creating jobs for the youth who have assisted in schools as part of the response to the Coronavirus Disease (COVID-19) pandemic.

Support for small-scale farmers and workers in the early childhood development sector also forms part of the stimulus package.

"The Presidential Employment Stimulus Package has supported close to 700 000 job opportunities to date, and largely to young people," he said.

The country's unemployment statistics have highlighted the urgent need for the public and private sectors to be actively involved in implementing the ERRP.

Results for the second 2021 Quarterly Labour Force



Survey (QLFS), recently released by Statistics South Africa, showed that unemployment has increased by 1.8%.

"The statistics released for the second quarter of this year are a reminder of our unemployment crisis and the extent of poverty in our country.

"While the interventions

contained in our ERRP are necessary and significant, I will say now that they are not enough," said the President.

He added that job creation can no longer be the mission of government alone.

"The time has now come

**Cont. page 2**



To read Vuk'uzenzele download the GOVAPP on:



Search for SA Government on Google playstore or appstore

### CONTACT US



Vuk'uzenzele



@VukuzenzeleNews

Website: [www.gcis.gov.za](http://www.gcis.gov.za)

Email: [vukuzenzele@gcis.gov.za](mailto:vukuzenzele@gcis.gov.za)

[www.vukuzenzele.gov.za](http://www.vukuzenzele.gov.za)

Tel: (+27) 12 473 0353

Tshedimosetso House:

1035 cnr Frances Baard and Festival streets, Hatfield, Pretoria, 0083

**FREE COPY NOT FOR SALE**





# Afrika Borwa e tlotla baphahlamakunutu

**N**akong ya dilemo tse tharo ho tloha ha Khomishene ya Diphuputso tse amanang le Tshusumetso e Bolotsana Diqetong tsa Mmuso e ne e qala mosebetsi wa yona, re utlwile ka matsapa ao baetsi ba diketso tsa bobodu ba a entseng ha ba pata diketso tsa bona tsa ditlolo tsa molao.

E bile mosebetsi o thata haholo wa ho qhaqholla marangrang a tshusumetso a ileng a atlehisa bobodu.

Hara tse ding, matanta a dikhamphani tsa bolotsana a ile a thehelwa ho potolohisa ditjhelete e le ho timeletsa ditefello tse etsetswang batho ba amanang le batho ba nang le matla a sepolotiki.

Dipaterone tse kang tsena di bonahetse diphuputso tse ngata tse fatang bobodu tse entsweng ke Lekala le Ikgethang la Diphuputso (SPU), le Lekala la Diphuputso tse Lenaneng le Ka Pele la Ditlolo tsa Molao (DPCI), le Bolaodi ba Naha ba Botjhutjhi (NPA) le makala a mang.

Ha diphuputso tsena di ntse di tswela pele ho atleha, mme ho atamelwa ho fumaneheng ha batlodi ba molao ba belaellwang, re bone dipaki di fumantshwa ditshoso, ba malapa a tsona le bona ba etsetswa ditshoso, hape di iphumane di tlameha ho ipata, kapa di be di bolawe.

Polao ya Babita Deokaran, mohlanka ya ka sehloohong wa lekala la ditjhelete Lefapheng la Bophelo bo Botle provenseng ya Gauteng, ke temoso e kgolo ya phephetso

e kgolo eo re shebaneng le yona letsholong la rona la ho ripitla mofetshe ona setjhabeng sa bo rona.

Leha e le mona re eso tsebe sesosa sa polao ya hae, re ka bolela hore e ne e le paki ya sehlooho diphuputso tsa SIU tse fuputsang ho rekwa ha Thepa ya Boitshireletso ba Batho (PPE) hona lefapheng lena.

Mmuso o thoholetsa Tshebeletso ya Sepolesa ya Afrika Borwa (SAPS) le dihlopha tsa balebedi ba poraefete tse ileng tsa tshwara babelaelwa ba supileng haufinyane.

Dokethe ya nyewe ena e se e fetiseditswe lekaleng la di-Hawks, mme diphuputso di tla tla le tlhahisoleseding e eketsehileng malebana le hore na Mofumahadi Deokaran o bolaetsweng.

Ho sa natswe mabaka a susumeditse polao ena, ha re qaeqae hore Mofumahadi Deokaran e ne e le mohale le seratanaha. Ho jwalo feela le ka mabotho a baphahlamakunutu ba bang, bao ka ho beha maphelo a bona tsietso, ba thusang ho qhibolla diketso tsa ditlolo ya molao, tsa tsamaiso e mpe, tsa khiro ya metswalle le tsa boshodu.

Ka ntle ho matsapa a bona a ho ba bahale le a kgabane, re ne re ke ke ra kgona ho pepesa batho bano ba etsang diketso tsa bobodu.

Leha haufinyane tjena ho tsepamisitswe maikutlo ho baphahlamakunutu ba lekaleng la mmuso, empa re tshwanela le ho leboha baphahlamakunutu ba lekaleng la poraefete, bao diketso tsa bona di sa nkelweng hloko

jwalo ka tsa tse lekaleng la mmuso, empa le tsona, ka mokgwa o tshwanang, e ntse e le tsa bohlokwa .

Baphahlamakunutu ke basireletsi ba bohlokwa ba demokerasi ya rona. Ba pepesa diketso le mekgwa ya bobodu e etsahalang mmusong le mekgatlong e ikemetseng.

Batho bana ba hlahisa taba tsena ka morero o motle, hape ba sa lebella feela hore mmuso o tla nka mehato ka ditemoso tsa bona, empa le hore ba tla fumana tshireletso hore ba se ke ba iphumana ba ntshitswe kotsi kapa ba kgeswa ka baka la ketso ena ya bona.

Mona Afrika Borwa ho na le melao e matla ya tshireletso ya baphahlamakunutu, e kenyetsang e fumanehang Molaong wa Tshireletso ya Bapepsi, Molaong wa Dikamano tsa Bahiri le Basebetsi, Molaong wa Dikhamphani, Molaong o Kgahlano le Tlhekhetso, le Molaong wa Motheo ka bowona.

Ka hodima mona, Lefapha la Toka le Ditshebeletso tsa Tlhabollo ya Batshwaruwa, ka ho sebetsa mmoho le makala a qobello ya molao, le tsamaisa Ofisi ya Tshireletso ya Dipaki molemong wa ho fana ka tshehetso ho dipaki tseo bophelo ba tsona bo leng kotsing le tse etsetswang ditshoso tsamaisong le ha e le efe ya phethahatso ya toka.

Ho kena lenaneong la tshireletso ya dipaki ke ka boithaopo, mme SAPS kapa NPA e keke ya qobella motho ho etsa jwalo. Haeba paki e ka fumana ditshoso



tse behang bophelo ba yona kotsing, kapa ya ikutlwa e sa bolokeha, e tshwanela ho tlalehela bafuputso ba nyewe taba ena, mme e etse kopo ya ho kenngwa lenaneong la tshireletso. Lenaneo lena le atlehileng le bile le tema e kgolo ntlheng ya ho hlahisa botjhutjhi bo atlehileng ha esale le thewa, haholoholo ditabeng tsa ditlolo tsa molao tse hlophisitsweng.

Ho hlakile hore ha ntwaga gahlanong le bobodu e ntse e loela, re tshwanela ho lekola botjha ka potlako mokgwa wa rona wa jwale, e seng feela o malebana le tshireletso ya dipaki, empa le tshireletsong ya baphahlamakunutu ka bophara.

Leha re na le ditsamaiso tse ngata tse thusang baphahlamakunutu ho tlaleha ka sekgukgu, re tlameha ho tiisa ditsamaiso tsena tse teng, mme re fane ka tshehetso e matla haholo ya batho ba tlising tlhahisoleseding pontsheng.

Re le setjhaba, re tshwanela ho totobatsa moo melao le maano a jwale a haellang ho tshireletsa boiphedisio, seriti le polokeho ya baphahlamakunutu – mme re sebetsa mmoho ho di kwala.

Morero wa ditlokotsebe tse lwantshang baphahlamakunutu ha se feela ho kwala batho ba itseng molomo – hape ke ho etsa ditshoso le ho ba ka nahang ho ba ba-


baphahlamakunutu kamoso. Ka letsatsi le letsatsi, MaAfrika Borwa a sebetsa jwalo ka Babita Deokaran a tsepame ntlheng ya hore a keke a ina matsoho a ona diketso tsa bobodu, hape a ikemiseditse ho ba dipaki kgahlanong le bona.

Re le batho ba Afrika Borwa re a mo tlotla le baphahlamakunutu ba bang bohle ba makaleng a mmuso le a poraefete ba behang diketso tsa bobodu pepeneneng.

Batho bana ba etsa hona ba sa lebella thoriso kapa moputso.

Ketso ya bona ke sehlohlolo sa bosebeletsi ba setjhaba.

Re ke ke ra ba swabisa. Re a tlameha, ebile re netefatsa hore dipepeso tsa bona di tla fihlella makgotleng a dinyewe, mme batlodi ba molao ba tla ahlolwa, hape re tla sebetsa ka matla re netafatsa hore baphahlamakunutu bana ba tla tshireletswa, ka hona ba keke ba ntshuwa kotsi.

Re le MaAfrika Borwa, re lakatsa ho totobatsa hore hare tlo nyahamiswa ke ditshoso. Batho bohle ba mmomoring wa ho bolawa ha dipaki le baphahlamakunutu ba tla tshwarwa, mme ba tadimane le matla a molao, ho tla ba jwalo le ho bohle ba tla fumanwa ba le molato wa diketso tsena tsa bobodu tseo babolai bana ba le kang ho di pata. 



# Hlwaya matshwao a temoso ya mafu a mofetshe o tshwarang bana e sa le ka pele

**KGWEDI YA TLHOKOMEDISO** ya Lefu la Mofetshe o Baneng, e tshwarwang ka kgwedi ya Loetse selemong se seng le se seng, e hlokomedisa setjhaba ka mafu a mangata a mofetshe o tshwarang bana.

Allison Cooper

**M**afu a mofetshe o tshwarang bana a bonahala a eketseha lefatsheng ka bophara, moo ho lekanyetswang hore ngwana a le mong ho ba 408 lefatsheng ka bophara o fumaneha a ena le mofetshe pele a ba le dilemo tse 15.

Ho ya ka Taryn Seegers, Mohokahanyi wa Dikgokahanyo wa Mokgatlo wa Afrika Borwa wa Mafu a Mofetshe o Tshwarang Bana (CHOC), ho dumelwa hore tekano ya diphesente tse 67 tsa bana ba tshwerweng ke mofetshe ha ba ke ba fumane kalafo, mme hangata bao ba fumanang kalafo bona ba e fumana ba se ba kula haholo.

Ho tloha ka selemo sa 2011, CHOC haesale e sebetsa

mmoho le Lefapha la Bophelo bo Botle le baetapele ba setso ho fumantsha ditsebi tsa bophelo bo botle, basebetsi ba tsa tlhokomelo ya bakudi, dingaka tsa setso le setjhaba tsebo ya mafu a mofetshe o tshwarang bana.

“Batho bana ba rutwa ka matshwao a sethathong, le hore ba tsebe ho netefaletsa setjhaba mafu ana, esita le ho tlosa sekgobo se amahannngwang le mafu ana setjhabeng”, ho rialo Seegers

## Matshwao a sethathong a temoso ke ana:

- Batla thuso ya bongaka e sa le kapele ha o bona matshwao a ho kula a sa dumeleng ho fola.
- **Leihlo:** Letheba le lesweu ka hara leihlo, leihlo le pelekang, bofokodi bo botjha ba ho se bone,

ponahalo ya leihlo le ruruhang

□ **Lekukuma:** Mpeng le nokeng, hloohong le mola leng, maotong le matsohong, dithong tsa botona le ditshwelesa.

□ **A sa hlaloseheng:** Feberu e nkang nako e fetang dibeke tse pedi e sa kgaotse, ho fokola mmeleng, phokolo ya madi, mokgathala, ho kgumuha habonolo kapa ho tswa madi.

□ **Ho opelwa:** Masapong, manonyeletso ng, mokokotlong le ho robeha ha bonolo.

□ **Matshwao a amang methapokutlo:** Ho fetola motsamao kapa ho ritsa ha kgatelopele ya ho tsamaya, ho thekesela ha a tsamaya kapa ho se bue hantle, ho ritsa ha matshwao a bontshang kgatelopele ya ho hola, ho tshwarwa

ke hlooho ka nako e fetang beke mmoho le lehlato kapa ka ntle ho lehlato, le hlooho e holang ho feta tekano.

## Mafu a mofetshe o tshwarang bana

Mafu a mofetshe o tshwarang bana a fapane le a mofetshe o tshwarang batho ba baholo. A atisa ho ba dithong tsa mmele, a bonahale a fapane ha a shejwa ka maekroskoupu, hape a phekoheha ha bonolo ho feta a mofetshe o tshwarang batho ba baholo, ho rialo Seegers.

“Sekgahla sa phekohe bakeng la bongata ba mafu a mofetshe o tshwarang bana se hodimo haholo ho feta sa bongata ba mafu a mofetshe o tshwarang batho ba baholo. Kajeno, dinaheng tsa moruo o sa ntseng o hola, boholo ba mafu a mofetshe o tshwarang

bana bo ka phekoheha hantle haholo, mme a pakeng tsa diphesente tse 50 le tse 60 a fodiswa ka botlalo. Dinaheng tse ruileng, sekgahla sa phodiso se pakeng tsa diphesente tse 85 le tse 90.”

Hore sekgahla sa phodiso se tle se phahame, ho tshwanela hore e be bana ba bangata haholo ba hlalohwang nakong eo lefu lena le sa ntseng le le dikgatong tsa lona tsa mantlha, mme ba fumane kalafo e nepahetseng – le teng ba e fumantshwe ditsing tse kgethehileng tsa kokelo, hape ba phekolwe ke ditsebi tsa bongaka tse nepahetseng. ①

O ka fumana tlhahiso-leseding e eketsehileng ka ho letsetsa CHOC mohaleng wa thuso ho 0800 333 555.

**STAY SAFE**  
VACCINATE TO SAVE SOUTH AFRICA  
TOGETHER WE CAN BEAT CORONAVIRUS

**TAKE THE JAB AND PROTECT OUR FUTURE**

**18-34YR OLDS**

**VACCINATE NOW!**

**V-CHARGED**